

**Lenera Memetova**

## **QIRIMTATAR HALQ ADETLERİ – TOY MERASİMİ**

ekinci, tüzetilgen neşir

### **Münderice**

Kiriş söz	2
I. Toy aqqında añlaşma	3
Tanışuv	3
Söz kesim	5
Ağır nişan	5
II. Toy merasimi	7
Birinci kün	7
Ekinci kün	7
Qına gecesi	8
Üçünci kün	9
Tıraş merasimi	11
III. Yalta rayonındaki Dereköy, Ay Vasil ve Autka köylerinde nikâh ve toy merasimleri	13
Söz kesim ve nişan	13
Toyğa azırlıq ve toy	14
IV. Zemaneyiy toylar aqqında oylar	18
Qullanılğan edebiyat	20

© 2009 Lenera Memetova

## Kiriş söz

Er bir halqnıñ özüne has halq ağız yaratıcılığı bar, qırımtatar halqnıñ zengin asabalığıdır. Folklor eserlerinde halqnıñ yaşağan yeri, tarihi aqqında malümatlar, urf-adetleri, duyğu-fikirleri, arzu-istekleri, tabiat çizgileri ifadelene. Halq ağız yaratıcılığı evelki devirlerde peyda olıp, ağzaviy şekilde yaşay ve asırlar devamında halq arasında keñ darqala. Milliy folklor er bir halqnıñ büyük zenginligidir. Halq yırları halq ağız yaratıcılığının müim ve zengin qısımındır.

Er bir milletniñ çoq asırlar devamında yaşağan, öz adetleri ve ananeleri bar. İnsannıñ ömründe olğan er bir müim vaqiağa çeşit-türlü adetler bar.

Evel-ezelden bizim ecdatlarımız urf-adetlerimizni, ananelerimizni saqlamaq istey ediler. Bizim milletimizniñ pek çoq meraqlı, eski adetler ve ananeler bar. Olardan birisi – toy. Bu pek keñiş tarqalğan ve halqnıñ ayatında degerli yer alğan merasimdir. Şunıñ içün men bu mevzunı keñiş ve açıq sürette köstermege tırıştım. Toy olmağan aile yoq desek olacaq, çünkü eñ qadimiy bu merasimni halqlar şeñ, tertipnen, meraqlı keçirmege areket ete. Toylarda çeşit adetler qullanıla, olar düğünni yaraştırı, mında mahsus oyunlar ve yırlar icra oluna. Toy-cıyınlarda, bayramlarda halq yırlarını icra etmek evel zamanlardan adet olıp kelgen. Toy-düğünde yır insannı şeñlendire, zevqlandıra, ağır vaqıtta ise küç-quvet bere, ruhlandıra, adamlarınıñ göñlüni kötere.

İş maqsadı: Qırımnıñ çeşit köşelerine ait olğan ve al-azırda unutulğan urf-adetler yırlar, çıñmaneler, şiirlerni tarif etmek ve öğrenmek.

## I.Toy aqqında añlaşma

Bugün bizde cıyın, toy – buyurıñız,  
Evimizniñ törü boş – oturıñız.

Yaşlar, qızlar tüzengen, bezengenler,  
Çıñ-manege, oyunğa belsengenler.

Çeşit quşlar, bülbuller öz tilinde söylene,  
Toy-cıyında yaşlar-qızlar bir-birini begene.

Evel yaşlar çıñ aytıp tañ attırğan,  
Özlerinde eş-dostnı şay arttırğan.

Toy-cıyında çıñlaşmaq pek kerekter,  
Çıñnıñ qaynaq çoqrağı tek yürekdir. [11]

Toy merasimini umumen alğanda bir qaç qısımgğa bölmek mümkün: toydan evel, toy ve toydan soñ vaqtı. Er bir qısmı bir qaç zamanğa bölüne.

Toydan evel vaqtı söz kesimge ve nişanğa bölüne. Söz kesim – eki qoranta arasında añlaşmadır. Söz kesim vaqtında nişannı ve toynı nasıl keçirmesi ve ondan soñ eki qoranta bağlanalar ve toyğa azırlıq köreler.

Nişan – eki qoranta arasında bahşışlarnen avuştıruv. Kelin tarafı kiyev ve onıñ tuvğanları içün boğça azırlay, ve aksine.

Esas vaqt – bu toy. Bir qaç künden ibaret edi. Birinci künde er tarafında da, qız tarafındada quran qatım ötkerile edi.

Ekinci küñü nikâh qılına edi. Kelin evine molla ve vekiller kele ediler. Nikâh duası bitken soñ qudalar içün sofra donatıla edi. Aqşam, ya da gece, yaş qızlar cıyıla edi. Eñ meraqlı adetlerimizden birisi – qına qoyuv gecesi ötkerile edi.

Üçünci küñü kelin kiyevni evine ketmek kerek edi. O, ana-babasinen saqlıqlaşıp tuvğan evini qaldıra edi. Kiyevniñ tıraş merasimi keçirile edi. Üçünci küñü kiyev tarafında nikâh aqşamı ötkerile edi. Bunıñ ile toy merasimi yekünlene.

Endegi küñniñ sabasından toydan soñ vaqtı başlana. Sabadan kelinni yoqlamaq içün onıñ soyları kele. Kelin er kes içün qave pişire. Qartlarınñ qollarını öpe. Bir-eki aftadan soñ kelin tarafında çağırtuv ötkerile. Kiyevniñ eñ yaqın tuvğanları ve elbette kelin bulunalar. Soñ ise, kiyev tarafında çağırtuv ötkerile.

Bunıñ ile toy, ve onen bağı merasimler bite. Yañı qurulğan aileniñ yaşayışı başlana. Bu mevzu kerçekten de pek meraqlı ve onı yahşı öğrenmek içün daa çoq çalışmaq kerek.

Toy merasiminiñ qısımlarını keniş taqiq etem.

## Tanışuv

Qırımtatar halqınıñ çoq meraqlı ve zevqlı urf-adetleri bar. Olardan biri cıyındır. Cıyınlar qış vaqtı, köylülerniñ azbarında, çayırlarda ve bağ-bağçalarda, qızgın işleri bitken soñ, keçirile turğan. Yaşlar ve qızlar bir-de-bir dostlarınıñ evinde qonuşmaq ve eglenmek içün nevbetnen toplaşa ediler.

Cıyınğa kelgen yaşlar, qızlar setlerge yerleşip oturalar. Toplaşqanlar qonuşıp, halq yırlarını yırlaylar. Yaşlar şaqalaşa, lâtifeler aytıp küleşeler.

Cıyında çeşit zevqlı oyunlar oynap eglemek de adet olğan. Yaşlarınñ sevimli oyunlarından: “Yüzük”, “Quşaq” oyunları pek şeñ keçe edi.

İstidatlı yaşlar və qızlar özleri uydurğan çın, mane, şaqalarını köydeşlərinə təqdim ete edilər. Aynı böyle cıyınlarda, bayramlarda yaşlar tanışa edilər.

Derviza bayramından soñ, toylar vaqtı başlana edi. Bütün halq ağır işlərdən soñ raatlana edi.

Evel zamanda qudalar oğlağa köre qız, qızğa köre oğlan tapmağa tırışqanlar. Bu qolay degil. Olar oğlanın em de qızın soy-soplarını sorastırıp bile: onların arasında hasta soyları, içken soyları olğan ya da olmağanı belgilene. Oğlanın “qapısı”, yani yaşamağa yeri, “qazanı” – birdən ayrı aşamağa imkânı barmı, olacaqmı ya da yoqmı bularnıñ episini ögreneler. Qızın da nasıl yaşamağa istegini: ayrımı ya da oğlanın ailesinen beraberimi, bunu da bilelər. Olarnıñ tabiatlarını ögreneler. Soñ qızğa söz taşlana. Söz, adət boyunca, yañı yıl gecəsi dekabr 21-de taşlanğan. Bu adətni er kes bile edi. Oğlan qızğa söz taşlaycığını ayta. Qız söz taşlaycağını bile de anasına bugün haber olacaq, dey. Oğlan gecəsi pencerege kömürçik ketirip taşlay. Qız kömürni ala da anasına köstere. Qıznen ana ne yapacaqlarını – razılıq berecek, ya da bermeyceklerini laf eteler. Amma daa babağa bir şey aytmaylar. Lâkin baba razılıq bermegence, söz berilmey. Bu mesele boyunca bir fikirge kelgence, bu aqta tek 3–4 adam bile.

Oğlan bu şeyni daa ana-babasına bile aytmay. O, söz taşladı, söz (razılıq) alsa, soñ anasına ayta, anası babasına ayta. Demek, qudalar tapa, soñ söz taşlana, söz taşlanğan soñ anası, qızı bu şeyni baqalar da, soñ eki aftamı, bir aymı, düşüneler, babasına aytalar. Oğlanın şeceresi, tamırları qaydan, olarda hastalıq, sersemlik barmı-yoqmı, bularnıñ episini sorap bilelər. Tabiatı nasıl, qızmatabanmı, yoqmı. Çünki qız da qızmataban, oğlan da qızmataban olsa, olar biri-birilerine kelişmeylər. Soñ bu ailede er vaqt qavğa ola bile. Qız tarafı bu şeylerni bilgen soñ, oğlan razılıq almağa kele. Qız razı olğanını söznen aytmay, özü nağışlağan yavlıqıqı oğlağa bağışlay. Demek, oğlan söz ala. Soñ kəlip anasına ayta. Anası ise babasına ayta.

Bu şeylerni soy-soplar añağan soñ, yani qudalar taptı, söz taşlandı, söz alındı, yahşı etip bilindi – quda yollanıla. Quda olıp baracaq adamnıñ soy olması şart degil. Namlı, laf etmege yahşı bilgen, adətlərni ürmet etken adam yollanıla. Çünki oña qızın evine barğan soñ, babasınen laf etmək kerek.

Qudaların vazifesi ise eki yaşnı biri-birinen qattı etip bağlamaq ve onların birliqi neticesinde aqıqıy, bahtlı, terbiyəli qoranta peyda etməkdir.

Onıñ içün biri-birine kelişken yaşları tapalar. Meselâ, aileni bir adam alıp barmaq kerek ola, ya apay, ya da aqay. Eger aqay atik olsa, apay da öyle atik olsa, soñ böyle ailede ne olacaq?

Evel zamanda yaşlar evlengende onların soy-soplardan qaç tiz ayrılğanına da emiyet bergener. Evlenmek içün yalı tarafta yedi, çöl tarafta beş tiz ayrılıq kerek edi. Atta bir köydeki adamlar biri-birinen evlenmegenler, qomşu köyden evlengenler. Çünki tamırlar qarışmamaq kerek edi. Eger tamırlar qarışsa, hasta balalar dünyağa kəlin. Evelde buña da emiyet bergener.

Toylar olğanda yigitler gizliden qızlar toplanğan odaların pəncərələri və qapılarından baqıp, onların arasından özlerine olacaq kəlinni saylay edilər.

Bir-de-bir yigit toyda olğan qızlardan birisini begense, qız ağaları ya da musafirlərgə xizmet köstergen qızların birisine muracaat eterek, begengen qızını oyunğa çıxarmalarını rica ete edi. Adəti üzre, qız ağaları qızın çeresinen qapığa taraf oynamağa becere, onı oynatmalarını rica etken yigit ise onı oyunını gizliden qapıdan seyir ete edi.

Şu aqşam qız bir qaç kere oyunğa çıxarılğanından toyda bulunğan musafirler onı yigitlərin birisi begengenini aña lay edilər.

Yigit begengen qızğa yavlıq bağışlay, qız onı begense yavlıqı nağışlap qaytara edi. Begənmese de, aksine ete edi.

Yigit evine qayıp, eñ yaqın tıvğanına, ana-babasına degil, çünki o zamanlarda böyle şeylər aqqında ana-babağa aytmaq ayıp sayıla edi, toyda bir qızın begengenini, bu qız kimlərdən olğanını və oña evlenmek istegenini ayta edi.

## Söz kesim

Şu yaqın tuvğan yigitniñ istegini ana-babasına bildire, olar 2–3 künden soñ qızniñ evine quda yollay ediler. Qudalıqqa yaqın tuvğanlarından üç er kişi kete, olarnıñ qollarına 25 dane altın kapıknen yipek fırlanta berile. Qızniñ ana-babası razı olğanları alda kapıklernen fırlanta olarğa qaldırıla ve bunıñnen söz kesilgen sayıla edi.

Qudalar qız yaşağan evniñ qapılarından kirgende evniñ saibinen köterinki seslernen selâmlaşa ediler. Al-hatır soray, biraz laf ete, soñra ise avale etilgen işke keçe ediler. Qudalarnıñ eñ büyügi qızniñ babasına yahut babası olmağanı (ölgeni) alda yaqın tuvğanlarınıñ eñ büyüğine: “Boş laflarnen vaqtımızni keçirip oturmaıyq, biz eviñizge Allanıñ emrinen böyle bir adamniñ avalesinen qızniñni onıñ oğluna qudalıq etmek niyetinen keldik, yoq demezsiñiz, belleyimiz”, – dey edi. Adeti üzre, qızniñ babası qudalarğa şöyle cevap bere turğan: “Ebet, Alla-Taalâ başına bunı yazğan olsa, qismet olsa, olur”. Bundan soñ o, qadıninen mesleatlaşa. Qadın, adeti üzre, aqayniñ sualine: “Sizge munasip olsa, maña da munasip”, – dep cevap bere turğan. Soñ qızniñ eñ yaqın cariyeleriniñ birisini qızına yollap, onıñ razılığını soray ediler. Qız ana-babasınıñ sualine: “Ana-babam nasıl munasip körse, öyle olur”, – degen cevabını qaytara.

“Alla bir, söz bir” – bu ibarenen söz kesimde eki tarafniñ razılığı bildire edi. Söz kesile edi. (1 res)

Burma kibi yollardan  
Burulıp keldik yar, yar.  
Sırma mıyıq babaydan  
Quda keldik yar, yar. [13]

## Ağır nişan

Adetle, ağır nişan söz kesimden 3–7 künden soñ, bazarertesi ya da cumaaqşamı kününde yapıla edi. Bu künde kelin evinde, kiyev evinde de bayramlıq aşlar pişirile edi ve evge musafirlerini çağıra ediler. Bu künni kelin soylarda keçire edi. Kiyev tarafından bir qaç adam nişanğa, qız evine kele ediler. Quda olaraq barğan qadınlar, mıtlaqa dülber qadifeden tikilgen anterlerde olmaq kerek ediler. Aqaylarnıñ omuzından yeşil ya da qızıl yavlıqlar baylı şarttır. Nişanlığa bahşışlar alıp baralar (meselâ: eki anter, şal ve nağış) ve babasına: qave ve şeker, anasına: anterlik. Bahşışlarını aselet nağışlangan şalda ketireler. Bu şalniñ adı – boğça. Kelinniñ ana-babası baqır tabaqta – sinide – kiyevge bahşış alıp çıkaralar. Bütün bahşışlarını baqıp çıqqan soñ vekiller, kiyev-çamaşırını boğçağa sarıp, evge qayta ediler.

Ağır nişandan soñ yaşlarğa körüşmek mümkün edi. Birinci kere oğlan qıznen körüşmek içün başta kiçkene oğlançıqtan soray edi, qaysı pencereniñ yanına kelmek kerek. Kiyev kerekli pencereniñ yanına kele edi. Bu ibare qırımtatar tilinde şayna “pencerege barmağa” qaldı. Kelin bezenip, onı bekley, amma bahşışını – seylemlikni – alğance, o, süküt tuta edi. Seylemlik, meselâ dülber bir şal olmaq mümkün edi. Yaşlar birinci kere körüşkende, kelin kiyevniñ suallerine ya cevap bermey otura, ya da eşitilir-eşitilmez sesnen cevap bere.

Yañı tanışacaq yaşlar  
Başta biraz utanalar. [1]

Yaşlarnı iç kimse körmemek kerek edi. Ne ana, ne baba, ne de başqaları. Böyle bir qaç körüşüvden soñ, nişanlılar serbest laqırdı ete ediler. Ve yavaş-yavaş biri-birine alışa ediler. Misal olaraq, halq yırdan parça:

Yigirmi beş altın, bir nişan,  
Yolda qalsın, ey güzel.

Kelsin, baqsın ağaңыз,  
Begense alsın, ey güzel. [13]

Ay yarıq gecesinde

Ay yarıq gecesinde,  
Vardım penceresine.  
Uzun çubuq uzattım,  
Men yaremi uyattım.

Qaraquş mingen terekke.  
Qanatın cayğan erekke.  
Sen çağırdıñ – men keldim,  
On eki türlü yemekke.

Ay yarıqta vararmam,  
Tilge destan olamam.  
Ay bulutqa kirgen soñ,  
Bağlasalar, turalmam.

Ay yarıqta çağırma,  
Ay gecesi sağıрма.  
Qarañğı kecede kelsem,  
Örke berip, bağıрма.

Ay bulut gecesinde,  
Vardım penceresine.  
Uçun çubuq uzattım,  
Men yaremniñ fesine.  
(2 res)

## II. Toy merasimi

### Birinci kün

Birinci künniñ toy merasimi kelin ve kiyev tarafta bir vaqıtta başlansa da ayrı-ayrı keçirile. Kelinniñ ve kiyevniñ evinde bir qaç oda azırlana: birincisi – qartlar, ekincisi – qartiyler, üçüncisi – evli yaş qadınlar, dertüncisi – yaşlar için ve niayet, kelin ve kiyev için mahsus odalar. Ayrı bir odada ise kelinniñ bütün ciyezi taqdim etile edi, yani kelin nağışlağan marama, yavlıqlar ve digeri.

Toy qartlarnıñ duasinen başlana. Bundan soñ çalğıcılar “Taqsım” ve “Peşraf” avarlarını – toynıñ muzıka qısmını açıcı ve toqtavsız icra etilici eki nağmeni çalalar. Olar özüne mahsus bir üvertüra hızmetini köreler. Ekinci nağme bitken soñ qartlar qave içe ve çalğıcılarğa özleri sevgen eski türkülerini, tüşünceli-qayğılı avarlarını sımarmaylar.

Er bir yañı kelgen musafırni çalğıcılar “Hoş keldi avası”nen qarşılap alalar.

Yaşlar qızlarınñ penceresi yanında turıp yırlaylar. Yır yarışı başlana. Bu adet türkiy halqlarda, hususan, qırımtatarları arasında keniş tarqağan çınlar ve maneler. Toynıñ birinci küñü böyle muzıka ve yır yarışnen bite.

Aqşam üstü kiyev evinde toy çıraqnı yaraştırı ediler. O, eki balaban haçlaşqan çıraqtan ibaret ola edi. Çıraq yaraştıruvı çeşit yır ve nağmeler ile ozğarıla edi. Meselâ, “Çıraq telev avası”. Bu adet bitkeninen qızlar çıraqnı azbarğa çıqıp oynamağa başlay ediler. Oğlanlar fırsattan faydalanıp begengen qızğa yavlıq bağışlay ediler. Qız oğlanı begense, bir qaç vaqıtan soñ nağışlağan yavlıqnı qaytara edi. Bu adet tek yalıboylularğa ait. Onıñ tarihi da pek meraqlı.

Çalğıcılar bütün sımarişlarını yerine ketirip, toynıñ soñunace evde bulunalar.

### Ekinci kün

Ekinci küñü (kelinniñ evine qudalar ve molla keleler).

Kelinni satın aluv ve nikâh merasimi eda oluna. Qudalar mollarınen beraber kelinniñ odasına kireler, anda nikâh qıyılmaq kerek. Amma kelinniñ arqadaşları kelgenlerni kirsetmeyler. Qudalar qızlarğa paqlava tolu sandıq, bundan ğayrı aqça bereler. Tek bundan soñ qızlar mollağa nikâh qıymağa ruhset bereler.

Molla kiyevniñ tışqı körünişini ve baylığını tarif eterek, ğayet tantanalı sesnen ondan qocağa çıqmağa razılıq soray. Mollanıñ suallerine kelin başta belgisiz cevaplar bere ve tek üçünci keresinde kesen-kes cevaplana. Kelin ağlamağa başlay, soñra onıñ arqadaşları qoşulalar. Pek siyrek allarda kelin mollağa sükunetnen cevap bere, böyle al, eger kelinniñ ana-babası qarışmasa, toynıñ bozuluvına sebep ola bile. Ekseriy allarda ana-babanıñ tazıyıcı qızınıñ isteginden üstün ola. Öyle de ola edi ki, qızını onıñ razılıqsız ile aqayğa bere ediler. Meselâ:

Qız bala degen marum qul  
Öksüzden beter...  
Baba yurtun terk etip  
Ağlar da keter...[9]

Öyle sayıla edi ki, kelin kiyevden ne sorasa, onı kiyev mıtlaqa yerine ketirmege mucbur. Kelin eki tilim ötmek ve küzgü alıp, bir köşege kire edi. Ötmekni ellerinde tutqan edi, küzgüge baqıp öz isteklerini ayta edi. Soñ bir kesekni aşay edi, ekincisini ise aqayına bere edi.

Künniñ qalğan qısmında çeşit qayğılı yırlarnı yırlavnen keçe. Eslice musafirler qayğını dağıtmaq için oynamağa teklif eteler. Teklif qabul oluna ve biri biri artından oyun avarları çalına. Azbarda qızlar horan tepeler, yaşlar ise qızlarğa baqıp elçırpa turğan ve yerlerinde oynap-oynap alalar.

## Qına gecəsi

Toydan bir kün evel, ya aqşam, ya da gece kelinniñ evinde qadınlardan soyları, qomşuları, dostları toplanıp, episi dülber kiyimlər kiyinip-quşanıp, ilvanlarını taqıp, sanki büyük bayramğa azırlıq kete. Aslında bu qına köyüv gecəsi – yaş qızniñ babasınıñ evinde keçirilgen soñki gecesidir. Ertesi künü onı baba ocağından alıp, yañı ömürge alıp ketecekler. Bu pek eyecanlı noqta ve er bir yaş kelin bu deñişmelerge büyük işanç ile baqa. Yaş qızlar ve qadınlar tatlı yemeklər ve içimliklər azırlap, sofralar donatalar. Yırlağan ve raatlanğan qızlar endi eñ esas meselege keçeler.

Kelsin, kelsin qızlar qına qoyucı,  
Bu gece qızımız musafır, yarın yolcu. [13]

Qına – bu acayip bir ösümlükdir. Onıñ tabiiy hususiyetlerini atta zəmaneviy tibbiyette də qəbul ettilər. İnsanıñ terisinə, tırnaqlarına və saçlarına qına qoyulsa, olar sağlam və dülber olıp, qadınıñ da daima güzəl olğanına xizmet etərler. Kelinniñ qollarına və saçlarına qına qoyma adət – qədimiy zamanlardan kəlip çıqa. Adət üzrə, qınanıñ təraviylev hususiyetləri aynı zamanda köz-nazardan və şeytannıñ şerriden də qorçalamağa yardım etken.

Kelin odanıñ ortasına otura, ayaqlarını və qollarını tılsımlı bir suvnen yuva. Suvniñ tılsımlığı da, bu suvğa nane qoşuvı ilə bağlıdır. Nane otu – tendiristlik və insan teniniñ temizliğini bağışlağan bir ösümlükdir. Ya da naneden ğayrı, böyle suvğa gül yapraqlarını da qoşalar. Nane suvu ilə yuvunmaq kəlinge bir qaç yaş qız yardım ete. Qalğanları isə onıñ etrafını çeçəkler ilə süsləndirələr. Mına endi mücizəli bir noqta. Qına qız-kelinniñ ayaqlarına, qollarına və saçlarına qoyula. Bütün bular yırlar ilə yapılmaqta. Qırımniñ bazı yerlerinde, misal olaraq yalı boyunda, kelinniñ etrafını çıraqlar ilə dolanıp çıqqanlar. Kelinniñ özü isə onıñ ömründə olıp keçən deñişmələri tolu sürətte is etken.

Qınanı qollarınıñ yañı avuçımızniñ ortasına qoyulması da bir tərəftən bu yerdə enerjiyanıñ küçlü noqtası bulunğanından, digər tərəftən isə – avuçımızniñ ortası – ailə timsallerindən biridir. Demək, qollarğa qınanıñ yaqılması – em müsbət enerjiyanı quvetləndirmək və köz-nazardan saqlamaq içün, em də qoranta qavıy və təməlli olması içündür.

Adət üzrə, soñra qına qoyulğan yerge altın kapıq qoyğanar. Bu da, belki də, kelecək ailə allı-taqtatlı, bəreketli olacağı maqsadı ilə yapılğan areketlərdir.

Bundan soñra, yaş qız ya yeşil, ya da qırmızı tüsteki anterni kiyə. Qayd etmək kerek ki, bizim milliy adətlərimizge köre, kelin tüşü – qırmızı tüşür. Onı atta bir çoq milliy türkülerimiz təsdiqləy. (“Mishor qızı”).

Qınalavdan keçən qız endi bilə – yarın onı yañı ömür, ayatınıñ yañı basamağı bekley. [6] (3, 4 res.)

Qınalı parmaq, cəz tırnaq  
Qınalı parmaq, cəz tırnaq, altın oymaq, ah, ah,  
Səniñ tatlı tiliñə olurmı toymaq, ah, ah.

Pencerəmə kün tiyməy meyvəliqtən, ah, ah,  
Em sarardım, em soldım sevdəliqtən, ah, ah.

Qınalı parmaq, cəz tırnaq, altın oymaq, ah, ah.  
Almaq değıl muradıñ, aylandıрмаq, ah, ah.

Uzun boylu, dal fidan, incə belli, ah, ah,  
Bütün aleyem içində səniñ belli, ah, ah.



Yımırtadan beyazsıñ, bordan aqsıñ, ah, ah,  
Qoyun cepke qoyğanday tomalaqsıñ, ah, ah.

Dost qadrini dost bilir, altını – saraf, ah, ah,  
Asla canım toymaycaq, közüñe qarap, ah, ah.

Altın çeçek teraze tarasından, ah, ah,  
Aylanayım közüñniñ qarasından, ah, ah.

### Üçünci kün

Kelin arqadaşları arasında odanıñ töründeki köşesinde otura, üstünde yeşil qaftan, yüzü örtülü, o, kiyev yaqqa tantanalı ketüvni bekley. O, qayğılı, fısıldap laf ete, köküş keçire. Arqadaşları onı tınçlandırırlar. Bu vaqıtta azbarda toplanğan adamlar arasında çeşit qalabalıq ükümrän. Böylece, yaqınlamaqta olğan ketüvge faallik ve şeñliknen azırlanalar.

Azırlıq işleri ep kenışley, bir qaç dilijans, mögedekli araba toplana. Azbarnıñ ortasından, yani çalğıcılar bulunğan yerden qalabalıqñı ve ses şamatanı bastırıp, kimerde davul ve zurna sesleri eşitile. Niayet, er şey azır oldı. Kelinni alıp ketecek faeton ev yanına kelip toqtay. Kelin oturğan odağa babası kirip, qızına kümüş quşaq kiyye. Ondan coñ anası kire o, qızına öz elâlığın bere. Meselâ:

Annem gelsin sol yanıma,  
Babam gelsin oñ yanıma.  
Anneçigim al yavlığı,  
Bağla sen baña.  
Emizdirgen sütleriñi  
Elâl et et baña, aman,  
Emizdirgen sütleriñi  
Elâl et baña... [12]

Halqımız sürgünlikke oğratılğan soñ quşaq yerine şal baylap başladılar. Bu adetni, qızñıñ beli qaviy olğanı içün eteler. Ağası ya da yaqın tuvğanı kelinni elleri üstünde köterip alıp çıqa ve faetonğa oturma. Kelinniñ yanına onıñ yaqın tuvğanları oturalar, arabacınıñ yanında ise Quran tutqan bala oturma. Arabacınıñ artında elinde şamçıraq tutqan ikinci bala oturma.

Toy safınıñ başında – eki atlı üç renkli – yeşil, qaverenkli, kök ya da mavı renkli büyük köşegeni tuta. Olarnıñ artından kelinniñ faetonı. Bundan soñ kelinniñ tuvğanları ve tanışları bulunğan diger arabalar birer-birer kelip sırağa qoşulalar. Adet üzre, ikinci arabada bir qaç esli qadınnen beraber kelinniñ yaqın tuvğanı buluna, kelinniñ çeşit örnekle ve nağışlı şeyleri ve ciyezleri bu arabağa yüklene.

Atlılardan sarılı arabalar sırası yavaş-yavaş yürüp başlay. Kiyevniñ evi betke atlılar atlarını çaptırıp keteler, kiyevniñ evinden de bir top atlı çıqa, olar arabalar yanına kele ve yolñıñ kenışçe yerinde olarnı toqtatacaq olalar. Qalabalıq çıqa, şamata qopa, niayet, kelinniñ tuvğanı yol kesincelerge bir sıra nağışlı şeyler berip qurtula. Nağışlı şeylerni erkekler bellerine, ya da omuzlarından keçirip yanbaşlarına bağlaylar.

Ebet, eñ yahşı mukâfatlarını (misal içün, doquz nağışlı şeyden, bu cümleden, saçaqlı büyük yipek şaldan ibaret şeylerni) kiyevniñ eñ yaqın tuvğanları alalar.

Çöldeki, ya da şeer çetindeki toqtalışlarda qoşular, çeşit yarışlar, oyunlar ötkerile, muzıka yañğırar.

Kiyev taraftan kelgen yaşlarınñ üykeni ilerige ketüv aqqında emir bere. Bu vaqıtta “Yar, yar” türküsü yañğırar. Saf baştaki tertipte kete, yañı kelgenler onıñ artına qoşulalar.

Kiyevniñ köyüne yetken soñ saf camige dođrula. Cami yanında olarnı bir grupp qart qarşılap ala. Olarnıñ biri ögge çıqıp, keling muracaat ete, oña qalımni eksiltmek kerekligini ayta, bundan soñ qartlar arasında bulunğan mollağa kelinniñ qararını bildire. Şu yerde, cami yanında qısqa dua oqula, er kes bir qaç daqqa süküt saqlay.

Bundan soñ kiyevniñ evine keteler; olarnı qapı yanında bulunğan çalgı taqımı “Hoş keldi ava”sını çalıp qarşılay. Kelinniñ faetonı qapı yanına kelip toqtay. Kiyev ağası kelgenlerden Qurannı, donatılğan şamçıraqnı ve köşegeni satıp ala, qadınlarınñ biri bu şeylerniñ episini içeri alıp kire; köşegeniñ ağaçlarını sındırıp damğa atalar. Bu vaqıtta içeriden kilimler alıp çıqalar, qudalar bu kilimlerni perdelerge çevire ve kelin faetonniñ yolunu qapıgace eki yaqtan qapatalar.

Kelin tüşürgende qudalar kiyevniñ azbarına kirgenlerinen, olarnı tüfek atmaqnen qarşılap alğan ediler. Ne qadar coşqun, yaraşıqlı manzara edi!

Kelin kelgen vaqıttan başlap, bütün bu merasimler devamında çalgıcılar “Ağlama kelin” avasını çalalar.

Bundan soñ elinde tavuq tutqan qartiy kelinniñ faetonına kire ve tavuqnı kelinniñ çeşit yerlerini toqundıraraq: “Op qorqulıq, op qorqulıq, qaydan keldiñ, anda ket”, dey. Bu areketnen olacaq nikâhtan evel kelinniñ yüreginden qorqunı quvıp çıqarmğa isteyler (bundan soñ tavuqnı kiyev odasınıñ ayatında legen astına saqlap qoyalar). Faetondan çıqqan soñ qartiy elline büyük tabaq ala ve onıñ üstündeki tatlı yemeklerni, ufaq paralarını balalarğa saça. Bundan soñ kelinniñ ağası, ya da diger tuvğanı onı ev içine köterip alıp kire.

Yevgeniy Markov öz ikâyesinde keling barğan yolniñ qapatılğanı ve kiyevden bahşışlar alınğanı aqqında yaza.[8]

Kelin yaqtan kelgen qudalar kelinni kiyevniñ evine kirsetken soñ, çalgıcılarğa avarlar sımarlay ve oynaylar. Çalgıcılar kiyev adından musafirlerni “Qarşılav yırı”nen selâmlaylar.

Oynağan soñ er kes sofra başına otura, aşay-ıçe ve çalgıcılar tarafından eda olunayatqan özleriniñ sevimli yırlarını diñleyler.

Kiyevniñ tuvğanları qudalarını mıtlaqa “kiyev köbetesinen” sıylamaq kerek ediler. Meselâ:

Aydıñ qudalar bizge,  
Biz de barırmız sizge.  
Biz de köbete aşarmız,  
Mabet-mabet yaşarmız...[10]

Daa qudalar içün eki türlü tatlı: qızıl ve sarı tüste azırlamaq kerek ediler. Qudalarnı bu aşlarnen sıylağan soñ tatlınen toyda olğan bütün yaş qızların da, olarnıñ nevbetti tezce kelgen niyetinen sıylaylar.

Bundan soñ kiyev çalgıcılarnen beraber küreş olacaq meydanlıqqa kete. Ögde, üstüne çeşit yavlıqlar, şallar ve nağışlar – küreşte yeñgenler içün berilecek bahşışlar bağlanmış uzun sıırqnı alıp keteler. Kiyev bu yarışta tek seyirci olaraq iştirak ete. Küreş vaqtında çalgıcılar “Küreş ava”sını çalalar. Küreşni balalar başlaylar, soñra oña büyükler qoşulalar.

“...Tezden çalgıcılar, soñra musafirler soqaqqa çıqıp, çeşmege dođruldı, meydanda turğan yigirmi dört atlı yigitni muasarağa aldılar.

Çeşme öğündeki meydanda oyun başladı. Davulcu çoqmarnıdom etip urdı. Yüz yaşındaki ihtiyar adamlardan başlap, bala-çağağa qadar, er kes oynadı. Yaş bir yosma Rustemniñ oynaqlay bergen atına yaqın keldi, yigitke kiçik qadife yastıçıq taqdim etti. Bu – qoşuda ğalip kelgen kişiğe edi...” [13]

Küreş bitken soñ, ğalip çıqqan küreşçini at üstüne oturtıp, muzıka altında kiyevniñ evine alıp keeler, anda oña bir qade şarap teklif etile, o, bu qadeni tantanalı sürette ve marş muzıkası altında içe. Soñra, o, er kesnen sağıqlaşıp ve bahşışlarını alıp evine kete. (5 res)

Bu vaqıtta kelin içün azırlanılğan odada kelinnen beraber kelgen qudağıylar çıylana. Masa üstüne er şey qoyula, stolğa töşelgen örtüniñ çetleri yerge toqunıp, sofra başında oturğanlarınñ ayaqlarını örtip turmaq kerek.

Bu arada kiyev evge qaytmağa pek aşiqmay. Küreşten soñ, o, soñki bekârlıq qonuşmasını keçirmek için dostları ve arqadaşlarınen beraber bir-de-bir kimseniñ evine, ya da qavehaneye kire. Anda kün evelden büyük sofra donatıla, sofranıñ ortasında tatlı yemeklernen ve paqlavalarnen sarılı meze tura. Er kes sofra başına otura, laqırdı ete, şaqalaşa, amma kiyev kelmegence kimse yemekke toqunmay. Çalgıcılar “Kelsin, kelsin” yırınıñ avasını çala. Adette, böyle muzıkalı davet üç kere tekrarlanğan soñ, yanaşa odanıñ qapısı açıla ve bosağada kiyev peyda ola. Kiyev sofrağa kelip otura, tabaq üstünde ketirilgen bir qade şarapnı içe, soñra çalgıcılarğa özünüñ sevimli avasını sımara, er kesniñ diqqatı kiyevge ola.

Bundan soñra kiyevniñ tuvğanları kele ve olarnıñ er biri çalgıcılarğa özünüñ sevimli yırını ya da avasını sımara. Ziyafet başlana: şarap tolu çanaq el-elden keçer. Biraz vaqıttan soñ sofrağa bütünley pişirilgen ve donatılğan qozu ketirile. (6 res)

## **Tıraş merasimi**

Ziyafetniñ soñunda berber peyda ola.

İş şunda ki, tıraş avasınıñ müim manalar ile birlikte şaqda qullanıla. Kiyevniñ kelin üzerinde peyda olması – çoqtan beklenilgen daqqasıdır. Ve, elbet de, kiyev bala – tıraş olğan alda, dülber perçem ile olmaq kerek. Toy künü üylege yaqın kiyevniñ yaqınları, dostları, soy-sopları toplanıp, eki bölümge bölünge. Berber ise – öz işini başlar. Yani tıraş ete ve saçlarını alıp, taray. Amma bir hususiyet, tıraş – tek mahsus çalınğan yani “Tıraş avası” ile yapılmaqta. Diger nağme ile kiyevni tıraş etmeyler. Misal olaraq, Üsküt köyünde tıraş merasimini muzıkanen degil de, oqulğan dualar ile keçirgenler. Endi ise eñ meraqılı başlana. Kiyevniñ etrafında oturğan şaqacı dostlarından biri çalgıcığa para berip, tıraş avasını degil de, diger bir nağme sımara. Lâkin endi berber tıraş etmey ve tıraş avasını bekley. Kiyev ise sabunlu ve yarı tıraş alda oturıp bekley. Niayet, diger dostu, kiyevni acıp, çalgıcığa kene de para berip, mahsus tıraş avasını sımara. Endi bu nağme ile berber öz işini devam ete. Ekinci bölümden daa bir dostu kene de başqa ava sımara ve berber kene de işini toqtata. Kiyev kene yarı yolda qılıp, sabır ile bekley. Bu şaqalı areketler ya berberniñ bezgenine qadar, ya da dostlarınıñ cepleri boşatılğanına qadar bazıda 4–5 saat devam etip, niayet, kiyevniñ tıraş etilgen ve perçemi de dülberleştirilgen alda olğanı ile yekünlengen. “Kiyev avası” yañğırağanda kiyev baştan-ayaq yañı urba kiyer. Endi kiyev azır ve cesürlük ile evine yol ala. [6]

Kiyev ketken yol fişenklernen aydınlatıla, yırlar yırlana, oyunlar oynala ve tüfekler atıla. Hor kelinen kiyevge bağışlağan, olacaq bahtı qoranta ayatını terennüm etken mahsus yırını yırlay. Bu vaqıtta kelinniñ odasını yaraştırılar. Kelinniñ özü çoq yıllar devamında morsliman usulinen tikip azırlağan nağışlarnen donatalar.

Kelsin, kelsin  
Kelsin, kelsin,  
Çorabatır kelsin.  
Kelecek olsa, haber bersin.

Bağlama:  
Ana-mına, ana-mına keleyatır,  
Ayağında qızıl qatır,  
Tüy şorbağa ötmek batır.

Kelsin, kelsin  
Kiyev bala kelsin.  
Kelmeycek olsa, haber bersin.

Bağlama

Kelsin, kelsin,  
Toy sabası kelsin.  
Kelmeycek olsa, haber bersiñ.

Bağlama.

Kiyev kelinniñ odasına yaqınlağanda içerdeki qadınlar kelinni terk eteler, o, oda içinde, köşege artında bir özü qala. Kiyev kelin odasınıñ bosağasından atlağanda kiyev ağası bosağağa bir parça yipek atlas taşlay, kiyevni ozğarıp kelgen yigitler ise bu basmanı ala, yırtı ve olarnıñ er biri bahtlı aileviy ayat remzi olaraq, onıñ birer parçasını ala. Soñra sıq duvaq kiygen kelinni namazlıq yanına alıp keteler, kelinnen kiyev birlikte namaz qılalar. Namazdan soñ kiyev duvaqnı kötere, kelin ise onıñ qolunu öpe.

Zevq meraqlılarnen  
Toldı kene azbarlar!  
“Ne eken?” deseñ, bugün  
Kiyevniñ tıraşı bar.

Sabırsız bazı seda  
“Tıraş!” dep bağırsa da,  
O, özüni pek sıqlay,  
Başlamağa aşıqmay. [1] (7,8 res)

### III. Yalta rayonundakı Dereköy, Ay Vasil ve Autka köylerinde nikâh ve toy merasimleri

#### Söz kesim ve nişan

Yuqarıda añılğan köylerde toylar olğanda yigitler gizliden qızlar toplanğan odalarınñ pencereleri ve qapılarından baqıp, olarnıñ arasından özlerine olacaq kelinni saylay ediler.

Bir-de-bir yigit toyda olğan qızlarınñ birisini begense, qız ağaları ya da musafirlerge hızmet köstergen qızlarınñ birisine muracaat eterek, begengen qızını oyunğa çıqarmalarını rica ete edi. Adeti üzre, qız ağaları qızını çeresinen qapığa taraf oynamağa becere, onı oynatmalarını rica etken yigit ise onıñ oyunını gizliden qapıdan seyir ete edi.

Şu aqşam qız bir qaç kere oyunğa çıqarılğanından toyda bulunğan musafirler onı yigitlerniñ birisi begengenini añlay ediler.

Yigit evine qayıp, eñ yaqın tuvğanına, ana-babasına degil, çünki o zamanlarda böyle şeyler aqqında ana-babağa aytmay ayıp sayıla edi, toyda bir qızını begengenini, bu qız kimlerden olğanını ve oña evlenmek istegenini ayta edi.

Şu yaqın tuvğan yigitniñ istegini ana-babasına bildire, olar 2-3 künden soñ qızınıñ evine quda yollay ediler. Qudalıqqa yaqın tuvğanlarından üç er kişi kete, olarnıñ qollarına 25 dane altın kapiknen yipek fırlanta berile. Qızınıñ ana-babası razı olğanları alda kapiklerden fırlanta olarğa qaldırıla ve bunıñnen söz kesilgen sayıla edi.

Qudalar qız yaşağan evniñ qapılarından kirgende evniñ saibinen köterinki seslennen selâmlaşa ediler. Al-hatır soray, biraz laf ete, soñra ise avale etilgen işke keçe ediler. Qudalarınñ eñ büyügi qızınıñ babasına yahut babası olmağanı (ölgeni) alda yaqın tuvğanlarınñ eñ büyüğine: “Boş laflarnen vaqtımızni keçirip oturmayıq, biz eviñizge Allanıñ emrinen böyle bir adamnıñ avalesinen qızınıñ onıñ oğluna qudalıq etmek niyetinen keldik, yoq demezsiñiz, belleymiz”, – dey edi. Adeti üzre, qızınıñ babası qudalarğa şöyle cevap bere turğan: “Ebet, Alla-Taalâ başına bunı yazğan olsa, qismet olsa, olur”. Bundan soñ o, qadıninen mesleatlaşa.

Qadın, adeti üzre, aqaynıñ sualine: “Sizge munasip olsa, maña da munasip”, – dep cevap bere turğan. Soñ qızınıñ eñ yaqın cariyeleriniñ birisini qızına yollap, onıñ razılığını soray ediler. Qız ana-babasınıñ sualine: “Ana-babam nasıl munasip körse, öyle olur”, – degen cevabını qaytara. Qadıninen mesleatlaşıp, qızından da cevap alğan soñ, baba qudalarnen bazarlıqqa keçe. Taraflar fuqarece olsa, kelin tarafı eñ azdan elli dane altın kapikten (nusfıye), başlap elli duqatqace (büyük altın kapikler) bardıra edi. Bazıda bazarlıq saatlarnen devam ete ve, niyet, neticede kelinniñ fiyatı 50 dane altından 40 dane altınğace eksile edi. Altınlardan ğayrı keline: er birisi ellişer kümüşten eki anter, yipişli quşaq, bir qadife kürk, ferece-marama (kelin bu maramanen toy vaqtında örtüle ve toydan soñ da azbarğa çıqqanda onıñnen qapana edi) ve, niyet, 200–300 rublenen 300–500 qarış topraq berile edi.

Bir sözge kelgen taraflar: “Söz bir, Alla bir”, – dep biri-birine söz bererek, biri-birini zayırlayaraq, qol sıqışa ediler. Kelgen baş quda olarğa emanet etilgen altınlarnen fırlantanı qaldıra, kelin tarafından ise bir dane yipek fırlanta berile edi.

Söz kesimden eki afta keçken soñ ağır nişan berile edi. Şu küнге qadar kelin nişanğa qoyulması şart olğan doquzlamalarnı azırlay edi. Doquzlama doquz şeyden ibaret olmalı edi: 1. Uçqur (aqay şalvarı içün burma yip quşağı); 2. tiz-bez (ayaq sırtmege); 3. yemeni (poşu); 4. edek; 5 ve 6 – tütün içün eki kese; 7. astına ufaq altın kapikler (nusfıye) tikilgen ve çetleri kümüş qaytan (tesma) ya da yün yipinen işlengen bir ufaçiq kise; 8. köşeleri kümüş yipnen nağışlangan poşu ve 9. çorap bağı. Amma sayılıp keçilgen şeylerden ğayrı bir çift yipek don kölmek (olarğa daa çerge kölmek de dey ediler), çorap ve saat qapı da qoşula bile edi.

Eger olacaq kelin zengin qorantaniñ balası olsa, doquzlama kiyevniñ ana-babasına da azırlana edi.

Kiyev ve onıñ soy-soplarına, dep azırlanğan bu şeyler diger bahşıslarnen beraber köşeleri kümüşnen nağışlangan boğça bağına sarıla ve üstüne “Quran hatimi” yazılı kâğıtçıq tikile edi.

Bunıñnen kelin kiyevniñ bütün yaqın soy-soplarınıñ ruhlarına adap, Quran oqup çıqqanını bildirile edi.

Qundaq balasına bargance, bütün soy-soplarğa azırlanğan bahşışlar kölmekler, fereceler, yüzbezler, kiseler ve ilâhrelerden ibaret ola ediler. Kiyevge yollanmazdan evel bahşışlar minderler ve yastıqlar üstüne yaydırıla, er birine üstünde berilecek adamnıñ yazılı olğan kâğıtçıq pekitile edi. Bundan soñ bahşışlarnen beraber kiyevge yollamaq içün qatmerli pirniç köbetesi pişirile edi. Bahşışlar yaydırılğan soñ kelinniñ soy-sopu çağırıla ve olarğa kösterile edi. Aqşam ise kelinniñ evine başları üstünde balaban-balaban siniler (sinilerde kiyevden kelingge yollanğan bahşışlar ola edi) tutqan eki yigit yetekçiliginde quda olıp, 20–25 er kişi kele edi. Yigitler bahşışlarnen tolu sinilerni kelinniñ yaqın soy-soplarınıñ birisine tutturıp, yerine bahşış berilgen birer kölmek alğan soñ qayıp kete ediler. Qalğan qudalarğa ise sofra qoyıp, olarnı sıylay ediler. Aşalğan soñ er eki taraftan azırlanğan bahşışlar açılıp baqıla, teñeştirile, eksikleri belgilene edi. Bahşışlarnı er kes körgen soñ kelinniñ eki tuvğanı olarnı kiyevge alıp kete, yerine para ve raqı ala ediler.

Ağır nişan berilgen soñ ertesi künü kiyev nişanlısına mektüp yazıp, musafirlikke kelmesi içün razılığını soray edi. Razılığını alğan soñ, aqşam nişanlısınıñ eñ yaqın tuvğaninen beraber oña musafirlikke kele edi. Birinci kere nişanlısından körüşken qız onıñ bergen suallerine ya cevap bermey otura, ya da eşitilir-eşitilmez sesnen cevap bere. Amma nişanlısınıñ bir qaç böyle ziyaretinden soñ, niayet, onıñnen laf etip başlay edi. Böylece, olar biri-birine alışa ediler.

Ağır nişan berilgen soñ qız ciyezini azırlamağa, daa doğrusı, teknillemge başlay edi, çünki halqımızda qorantada qız doğğaninen oña ciyez azırlamaq adet edi. “Qız beşikte – ciyez sandıqta” degen atalar sözüimiz de şundan kelip çıqqan. O zamanlarda tükânlardan satın alınğan mallarnıñ qıymeti yoq edi, şunıñ içün er şey evde azırlana edi.

Zengin kelinniñ ciyezi 200–250-den ibaret evde toqulğan basmadan tikilgen tüp kölmekten (aralarında yipek soyları da ola bile edi), 200–250 toqulğan ferece, 3–4 balaban yipek şal, 6–7 puf töşek ve yorğan, 50–60 dane yipek fırlanta, 400–500 dane yüzbez, bundan ğayrı sayı-esabı olmağan toquma sofra örtüleri ve yağbezler, kiseler, poşular ve saire.

Ev eşyalarından ciyezge minderler, divar yastıqları, 2–3 odağa töşelecek kilimler (minderlerniñ sayısına köre) ve çoq sayıda baqır savutlar kire edi.

Fuqare kelinniñ ciyezi: 70–100 dane don kölmek, 200–300 yüzbez, 70–80 ferece, 20–30 fırlanta, 3–4 töşeknen yorğan, bundan ğayrı, sofra örtüleri, yağbezler ve saire.

Ağır nişandan biraz vaqıt keçken soñ kiyev nişanlısınıñ ana-babası ve bütün soy-soplarını evine musafirlikke davet ete edi. Musafirlikke kelgen aqşamı qızınıñ anası olacaq kiyevine, zengin olsa – altın saat, fuqarece olsa – kümüş sigar qutusu bağışlay edi. Bu çağıruvdan ikinci aftası qızınıñ ana-babası olacaq kiyevleriniñ ana-babasinen yaqın soy-soplarını evlerine musafirlikke çağıra ediler.

Şu aqşam olacaq qaynananıñ ve onıñnen beraber musafirlikke kelgen qadın-tuvğanlarınñ başlarına topraqbastı maramaları taşlana edi. Bu maramalar “topraqbastı” dep adlandırğanlarınñ sebebi – olacaq qaynana olacaq kelinniñ toprağına birinci kere ayaq basqanındadır. Olacaq qaynana ise olacaq kelinine palı anter bağışlay. (9 res.)

## **Toyğa azırlıq ve toy**

Olacaq kelininen kiyevniñ ana-babaları biri-biriniñ evlerine musafirlikke barıp kelgen soñ toyğa azırlıq başlana, başta toy künü kesile edi. Toyğa bir qaç kün qalğanda, 5–10 adam, ziyade de ola bile edi, kiyev tarafından ağırlıqni ketire edi (söz kesim vaqtında añlaşılğan şeyler). Qız taraftan olarğa bahşış olaraq birer kölmek, birer yüzbez ve birer kise berile. Ağırlıq alınğan soñ qızınıñ başı şalnen örtüle ve bundan soñ o, üç kün devamında anasına, babası ve ağasına, umumen soy-sopuna ise üç afta devamında körünmey edi. Ağırlıq alınğan soñ, ikinci künü ağırlıqnen beraber kiyev tarafından yollanılğan bütün tatlı şeyler ve saqızni soy-sopqa ve qızınıñ cariyelerine tarqata ediler. Üçüncü künü kelinlerge anter biçken terzici qadın ve qızınıñ cariyeleri

(8–10 qız) çağırılı, olar bütün kerek şeyləri tike ve kelin-kiyevniñ evine ketkence daima qızniñ yanında buluna ediler. Bütün kerek şeyler tikilip bitken soñ, qızlar yastıq yüzünü tiküvge kırışe ediler. Yastıq yüzü palı basmadan tikile, içine bir çift aqay don kölmegi ve yüzbez qola edi. Kelin ketecekte, qızağası bu yastıqıqni kiyevniñ dostlarınıñ birisine 3 rubleden başlap 20 rublegece sata, onı satın alğan kiyevniñ dostu yolda daa birisine, o da üçüncisine sata ve böylece kiyevniñ evine ketkence yastıqıqniñ fiyatı 40–50 rublegece köterile edi. İşte, soñ onı bu fiyatnen kiyevge sata ediler. Yastıqıqni satın alğan kiyev ise kelin endi yaqın olğanını añlay edi.

Bütün işler yapılp bitken soñ toyğa kırışe ediler. Cumaertesi ve bazar künleri hamır basıla, ötmek, köbeteler, çörekler ve ilâhre pişirile edi. Bazarertesi künü ise bir qolunda baş yavlığınen baylı qamçı, diger qolunda ise ufaq şalnen baylı çıraqlar tutıp, sağdıç (kiyevniñ büyük aptesi) kele edi (qamçınen çıraqlar ödünç alına ediler). Kelin kiyevniñ evine ketecek künü qamçınen çıraqlar üstündeki yavlıqnen şal çezilip alına, yerine dülber fereceler bağlana edi. Sağdıç olarnı kene kiyevniñ evine alıp qayta ve olar 40 küngece anda buluna, bundan soñ saibine qaytarıla ediler.

Sağdıç peşinden kiyevniñ qadın tuvğanları, qudalıq yapqan qadınlar özlerinen beraber başqa musafirlerini ve çalgıcılarını ketirip kele ediler. Olarğa ziyafet berilgen soñ mahsus saanlar içinde qına azırlana edi. Qına azırlanğan saanğa 1 dane altın ve 20 dane kümüş kapik taşlay ediler.

Bu paralarnı kiyev keling qına qoyulğanını hayırlap yollay edi. Qına azırlanğan vaqıtta kelin yanında bulunğan qızlar qollarına yanğan çıraqlar tutıp, yırlay ediler.

Olar yırlağan arada, ökür-ökür ağlağan kelinniñ başını yastıqqa qoyıp, kiyevniñ tuvğanlarından üykeni saan içinden qınanen altını ve 20 kümüş kapikni çıkarıp, kelinniñ başına qoya, onı qına qoyulmasınen hayırlap, baht tilegen soñ çetke çekile edi. Bundan soñ kelinniñ saçlarını boyalamağa başlay ediler, qalğan qınanen ise mında bulunğan qızlarınñ parmaqlarını boyalap: “Sizge de tezce nevbet tiysin”, – dep ayta ediler. Kelinniñ saçlarını boyalap bitirgen qadın oyunğa tüşip, bunıñnen toy başlanğanını añlata edi.

Aqşam toyğa davet etilgen musafirler kele, qızlar yırlay, oynay ediler.

Qız ağalarından ekisi mahsus ayırılğan odalarda kelinniñ ciyezini körmeye istegen musafirlerge köstere ediler.

Qız tarafta toy cumaaqşamınace devam ete edi. Cumaaqşamı künü ise kiyev kelinniñ ciyezini alıp kelmek için sabadan araba yollay edi. Şu arabada yanında yaltıravuq kâğıtlar ve çiçeklennen yaraştırılğan eki qoynen, ötmek, tuzu, pirniçi, soğanı, qaşığı ve pıçağınen aşçı da kele edi. Kelin azbarına kelgen aşçı er kesni toynen hayırlap, bir filcan qave içken soñ, qoylarını soyıp, pirniç şorbası pişire edi. Söz kelimi, bu şorbağa “yıqıl ket” şorbası, dey ediler, çünki onı nikâh qıyılıp, kelin yolğa çıqacaqta bere ediler; şorba aşalğanınen, er kes alel-acele sofra başından turıp, arabağa birinci olıp oturmağa aşıqa, biri-birine, kilimlerde sürüne, yıqıla ediler. Bu qalabalıq şorba aşalğan soñ başlağanına adı da öyle qoyıldı.

Üyle maalinde, saat 12-lerde kiyev taraftan qudalar, eki saat ve bir vekil ile kele edi.

Yaşlar olarnıñ kelegecini bilgen soñ qapılarını kilitlep, kelgenlerden para ve diger bahşıqlar talap ete, istegenlerini alğan soñ musafirlerini azbarğa kirsete ediler.

7–8 türlü yemekten ibaret ziyafetten soñ kelinni nikâhqa azırlasınlar, dep qız ağalarına haber yollay ediler.

Haberni alğan soñ qızlar abdest için suv ketire, kelinni kiyindirip, başını şalnen örte ve küzgüğe baqmağa mecbur ete ediler.

Bundan soñ kelinni azırlağanlarını bildirip, yeri-yerine oturalar, odağa kiyevniñ saatlarinen vekili kire ediler. Saatlarınñ büyüğü: “Allanıñ emrinen, Peyğamberimizniñ sözlerinen, bu adamnıñ qadını olmağa razısıñmı?” – degen sözlernen keling muracaat ete edi. O, bu sualni üç kere tekrarlağan soñ qız tek üçünci keresi razılığını bildire edi. Bundan soñ saat kiyevniñ vekiline aynı şöyle sualnen muracaat ete edi. Ondan da razılıq cevabını alğan soñ, bu yerde oturğan qızlarğa: “Eşittiniñmi?”, – dep muracaat ete. Qızlar: “Eşittik”, – dep cevap bere ediler. “Saat oluñız”, – dep nikâhnı qıymaq ve yazılarını kitapqa kirsetmek için başqa odağa çıqa ediler. Bu arada qızniñ çeresi ferecenen örtüle edi. Nikâh qıyılğan soñ onı kimse: ne anası, ne cariyeleri körmemek kerek ediler. Nikâh qıyılğan soñ kimdir kiyevden evel kelinni körse, onıñ şırnıqlığı kete eken, degen ırım bar edi.

Bundan soñ kelin oturğan odanın qapısı yanına sağdıç kele. Qız ağaları onı odanın içine yibermey, bahşışlar talap ete ediler. Adeti üzre, sağdıç olarğapara berip, soñ: “İzin berseñiz, odağa kirip, kelinni azırlaycam”, – dey edi. Qızlar oña yol bere ve sağdıç kelinniñ yanına barıp, başta ferece maramasına sara, başına duvaq kiydire edi. Bu başlıqqa oşağan ucu süyrü olğan qıpaq kibi bir şey, arttan asılıp, tabanlarğa yete, ögü ise bütün çereni örte. Duvaqnı yedi qız qolnen parça basmasından tike edi. Sağdıç kelinniñ başına duvaqnı kiydirerek, çeresinen şarqqa taraf çevirip, dua oquta. Soñ qız ağalarından sağdıç çırağı alıp: “Alla bahtıñızni bersin”, – degen sözlernen kelin odasından çıqayatqanda şu yerde oturğan qadın qudalarğa: “Azır oluñız”, – dep muracaat ete. Qudalar yerlerinden turıp, yolğa çıqmağa azırlanğan arada kelin, ağlay-ağlay, cariyelerinen sağlıqlaşa.

Kelinnen beraber yanındaki qızlar da ağlay ediler.

Soñ odağa kelinniñ anası kire. Qız anasinen sağlıqlaşıp, ondan razılıq soray.

Anası, ağlay-ağlay, qızinen elâllaşıp, çıqqan soñ odanın içine babası kire, qızınıñ beline kümüşten yipişli quşaq bağlay.

Babası oña: “Ağlama, qızım, ağlama. Alla saña yardımcı olsun, qoluna qum tutsañ – altınğa çevirilsin. Seniñ canıñni ağırtqan vaqıtlarım olğandır, bağışla, qızım. Alla sizge baht, sevgi ve tinçlıq bersin. Amin”, – dey.

Qızınıñ babası nasiatını bitireyatqanda odada bulunğan er kim qollarını köterip, dua oquy edi.

Qızınıñ babası çıqqan soñ, odağa qollarında duvazarnı (parça basmasından perde) dört ucundan tutqan kiyevniñ eñ yaqın soylarından dört yigit kirip, kelinnen dört qudanı perdenen qapatıp, kelinni qolğa köterip, arabağa oturma ediler. Kelinniñ peşinden qız ağaları yastıq yüzünü satılışqa çıqara ediler. Kelin oturğan arabaniñ ögünde eki atlı kete, qollarına beyaz bağlar bağlı ola edi. Olar qollarında köşükler (ince ve uzun ağaç) tuta ediler. Duvazar şu köşüklerge pekitile edi. Böylece olar kelin ketken arabanı qapata ediler.

Yol boyu kiyevniñ soy-sopları ve arqadaşları kelin arabasını toqtatıp, bahşışlar talap ete ediler, eger olarğa poşu ya da oña oşağan başqa bir ufaq-tüfek şeyler berilse, olar da şu berilgen şeylerni begenmeseler, keri qaytarmay, parça-kesek yırtıp, ayaqlarinen taptap, başqa, qıymetlice bahşışlar talap ete ediler. Böyle toqtalışlar vaqtında kötek de, atta meydanğa pıçaqlar bile çıqa turğan, kiyevniñ evine qavğa-şamatasız kelingender allar pek siyrek ola edi.

Niayet, bir çoq zorluqtan soñ, kelinni kiyevniñ evine ketire ediler. Ögde ketken yigitler arabağa yaqınlaşıp, kelinni perdenen beraber kelgen dört qudanı evge kirsete ediler. Qapı ögünde kelinni kiyevniñ anası qarşılap, üstünden boğday, para ve qanfet sepe edi. Odağa kirgen soñ kelinni duvazarnen örtülgen köşege oturma ediler. Olarnıñ artından odanın içine kiyevniñ anası kire edi. O, odağa kirgeninen, baş quda kelinniñ başındaki örtünü biraz köterip, ağızını açqan soñ, qaynana parmağinen ağzı içine balnen yağ tıqa edi. Qave içilgen soñ, odadan çıqıp kete, qudalar ise pencerelerge perdeler asıp başlay ediler. Perdeler asılğan soñ kelinniñ başından başta duvaqnı, soñ ferece maramasını ala ediler. Başında tek ferecesi qala, çeresi ise fırlantanen qapalı ola edi. Birazdan soñ olarğa yemekler ketirip, sıylay ediler.

Kün qonğan soñ odanı kelinniñ ciyezlerinen yaraştırmaña başlay ediler. Tavanğa yip çektirmek içün kiyevniñ tuvğanlarınıñ birisini odağa çağıra, işini yapqan soñ oña kölmek bağışlay ediler. Çektirilgen yipler üstüne ciyez cayıla edi.

Oda yaraştırılğan soñ kiyevniñ yaqın soylarından birisi içine kirip, bütün olğan saanlarını sorap alıp kete, birazdan soñ ise çeşit-türlü yemeklerden toldurılğan bu saanları (sayısı 10–15 dane ve bundan ziyade ola bile edi) nevbetnen 10–15 ve bundan da ziyade, saanlarını sayısına köre, qadın ketire edi. Olarnıñ er birisine, bahşış olaraq, bir ferece berile edi. Yemekler aşılğan soñ kelinni başqa odağa kirsete ediler. Bu yerde o, abdest alıp, namaz qıla ve Yasin oquy, bundan soñ ise Qurannı birinci saifesinden başlap oquy edi. Qurannıñ eki-üç saifesini oquğan soñ onı kiyindirmege başlay ediler.

Üstüne kiyev bağışlağan eñ paalı anterni (ekseriy allarda bu qadifeden tikilgen ve kümüş qaytanen nağışlanğan anter ola edi) kiydirip, beline yipişli quşaq bağlay, başına ise altın fes kiydire, üstünden dülber şerbenti örte, boynuna ise onda olğan bütün altınları taqa, çeresini pulı



şerbentinen örte ediler. Kiyindirgen soñ kene ferece maramasına sarıp, başına duvaq kiydire ve kene de köşege, perde artına oturma ediler. İşte, o, kiyev kelgence şu yerde otura edi. [5]

Ey, arqadaşlar, ey, yaşlar,  
Qardaşlar ve qandaşlar,  
Epimizge  
Oğurlı olsun toyumuz!  
Coyulmasın soyumuz!  
Küçümüzni bileyik,  
Haqtan yardım tileyik!  
Tañrığa inanayıq,  
İmanğa tayanayıq! [1], ( 10 res.)

#### IV. Zəmanəviy toylar aqqında oylar

Milətimiz asırlar boyu taptalğan doğru yoldan tayıp başladı, desəm, mubalâğa olur, dep qorqam. Aslında isə şay. Bunu epimiz körüp turamız. Epimiz yanamız, kederlenəməz, acınamız. Lâkin bir şey yapıp olamaymız. Tövbe, tövbe, sanarsıñ, Allanın qahrinə oğrağanmız! [3]

Nikâh qıyılmazdan bir ay ya da eki afta evelsi caminiñ imamı yaşlarınən yahut kelin-kiyəvniñ ana-babasınən nikâhniñ şartları, aqqında subet keçirip, kelinniñ başı və omuzları qapalı, kiyevniñ başında qalpağı ya da taqiyəsi olmaq kerekligini qayd ete. Lâkin, böyle subetlər keçirilgeninə baqmadan nikâh mərasiminə kelgen yaşlar və attə esli, orta yaşlı adamlar bilə bu qaidələrə riayət etməylər. Albu ki, Quran-ı Kerimniñ “Araf” süresində Yüce Rabbimiz böyle buyura: “Ey, Adem oğulları! Er zaman camigə bərgəniñizdə eñ dülber urbalarıñızni kiyiñiz!”

Kameralarıñ çıqıltısı altında maşınadan nəzakətnən bahtlı kelin-kiyəvlerimiz çıqalar. Olarnı ğarp modellerini aındırğan, aman-aman köküslərinə açığ, yeñsiz, eki tarafında ta köbegindən başlağan yırıqlı anter kiygen qızlarımız özğaralar. Aslı iç saqınmadan-utanmadan bu çullu, çubar sürü doğru camigə kire – sanki muqaddəs evgə degil də, diskotekağa kelgenlər...

Ebet, ömürdə bir kərə olğan böyle bahtlı künde gencləri tenbiləp, keyflərini bozmağa tiliñ barmay, amma yarı çıplaq qızlarğa muqaytlıqnən çarələri olğanlarına köre örtünməknə təvsiyə etəsiñ. Azaçıq olsa da, Alladan qorqqan qızlar yigitlərinə bıcaqlarını omuzlarına taşlap kirelər. Ya başları açıq da! Qayda bu qızların maramaları ya da iç olmadım qıyıqları. “Ey, Ademniñ oğulları. Avretlərinizi örtmək üçün sizgə urba berdik” (Quran, 7:26). Oğul-qızlarını camigə özğarğan ana-babaların közləri qayda eken, aceba?[4]

Eñ acınıqlısı şundə ki, Vatanğa qayıtp din və urf-adətlərimizni ğayrıdan tikləyətqanımızda yaşlar bu şeylərdən uzaqlaşalar. Evlərimizdə qıyılğan nikâh mərasimi künü isə er kes sadə və aynı zamanda şəriat talaplarına köre kiyinməgə, qadınlar mollanıñ közüne körünməməgə tırışa edilər. Şimdi isə vəziyyət bəm-başqa. Utanmaq, arlanmaq yerinə milətimizgə iç kelişməgən “mot” urbalarnı köz-köz etmək. Bu yerdə eñ müim rolni ana oynay.

İllə ana qızına nasıl kiyinmək kerek, angi yerdə özünü nasıl alıp barmaq kerekligini ögretmək, dinimiz qaidələri çerçəvisində tərbiyə bərmək kerek. Çünki anasına baqıp qızını al, deyər halqımızda. Yazıq ki, bazı analar qızlarından da yaşça körünmək peşindən dinimizni də, adətlərimizni də unuta.

“Qadın saylağanda dörd şeygə, yəni qızniñ baylığı, qaysı qabilegə mənşüpligi, dülberligi və dindarlığına emiyət bərməlisini. Amma şəriatqa boysunğan soyunu saylamalısiñ” (Buhariy).

Şimdi nikâh mərasimləri birinci daqqasından soñkisinece plönqağa çekilə və demək kelecəkte onı şu çiftniñ evlâtları baqacaqlar. Ya soñ olarğa nasıl tərbiyə bərməli? Çünki şəriatımız, dinimiz boyunca bir-de-bir nəsiat bərilgəndə, ya sən özün nə üçün bu şeylərə boysunmadıñ, dep qarşı sual bərməyəcəkmi?

Alla-Taalâ künde beş kərə namaz qılğan, Alla rizası üçün iş yapqan, Alla üçün yaşağan insanları seve. Muqaddəs Kitabımızda Rabbimiz: “Bir-biriñizgə Alladan qorqmalı və dindar olmaqnı yardım etiñiz, amma güna işləməgə ya da düşmənlik yapmaqta bir-biriñizgə yardım bərməñiz” (Maide, 5:2) dep buyura.

Yürekten ümüt etəm ki, yaşlarımız aqıllarını topla, Vatanımızğa nə üçün qayıtqanımızni unutmazlar, nasıl muqaddəs bir din – İslâmğa mənşüp olğanımızni, yekâne Allanın qulları olğanımızni añlap, şəriat boyunca yaşamağa arekət etələr.

Toy bu, yalıñız eki gençniñ evlənməsindən, yañı qoranta qurmasından sıñırlanımay. Onıñ manəviy, ahlâqiylərləri pek çoxtır. Toy mərasiminiñ özü toy sabısınıñ sayğı, ürmetini qat-qat arttır. Toy sabısı toy yapıp cəməatni başıma toplayım, dep burun kötərməy, maqtanmay, ğururlanmay, o kendisini ğayət sadə, alçaqğöñüllü insan kibi alıp bara. Attə sarhoşlar, nizamsız kimsələr bilə onı diñləməgə, oña itaat etməgə məcbur olalar. Bütün bu eyilik bizlərə ta eski zamanlardan, qart dedələrimizdən qalğan eñ dəğərli bir asabalıqtır. Halqımız bu adətni nəsildən-nəsilgə keçirərək, bugüngeçə alıp keldi. Biz şimdiki nəsəl, onı bozmay, aşşalamay, kelecək nəsəl gəldirməğa borcümüz. Bunu iç də unutmayıq!

Toylarımıznen bağlı ve endi unutilğan bir adetimiz daa olsa, o da kiyevni tıraş etməkdir. Çoq güzel adet edi. Bolşevikler keçken asırnıñ 30-ncı yılları camilerimizni klublarğa çevirgen soñ, anda nikâh qıymaqnı, Quran ketirmekni kesen-kes yasaq etkenleri kibi, kiyev tıraşı adetinde de milliy, diniy çizgiler tapıp, onı da yoq ettiler. Bu adet, güya burjua-milletçilerinin ğayesine uya emiş. Kiyevni tıraş etkende çalınğan ava da teknil unutildı. Şimdi o maqamnı bilgenler qaldımı, qalmadımı, bilmeyim. Esli-başlı çalğıcılarımız onı unutmasalar kerek. Olar yaş çalğıcılarğa bu avanı öğretmek, kiyevni tıraş etmək şart olmasa bile, avasını mıtlaqa çalmaq kerekler. O ğayıp olıp ketmesin, unutilmasın.[7]

Halqımıznıñ tertipligini, temizligini, sağlamlıĝını köstergen qına köyüv gecesi merasimi de şimdiki vaqıtta pek siyrek rastkele.

Toylarımızda tüfek atmaq adeti bar edi. O da unutildı. Kelin tüşürgende qudalar kiyevniñ azbarına kirgenlerinen, olarnı tüfek atmaqnen qarşılap alğan ediler. Ne qadar coşqun ve yaraşıqlımanzara edi. Men bu adetimizni misal etip ketirmeknen, toylarda tüfek atılşınen, degen meseleni közde tutmayım. Çünki şimdi toylarımıznıñ belli bir kısmı şeerlerdeki qave ve restoranlarda keçe. Tabiiy ki, anda tüfek atmaqñıñ imkânı olmaz. Amma köylerde, qasabalarda öz azbarlarında yapılğan toylarda bu adetimizni kütmeq mümkün. Ancaq toylarımızğa milliy Ruh berip, olarnı yaraştırır.

Böylece, toylarımızğa bir burulış yapmasaq, olarnı yabancı küçlerniñ zararlı tesirinden qurtarmasaq, unutilğan adetlerimizni yavaş-yavaş qullanıp yaşatmasaq, bunı bizden ğayrı kimse qayğırmaçaq.

## Qullanılğan edebiyat

1. Veliulayeva A., Kökiyeva A., Salâdinov Q. U. “Qırımtatar edebiyatı 10 sınıf”, İsmail Ziyadin “Toy”, Qırımdevoquvpedneşir, 2003.
2. İlyas Bahşış “Qırımtatar halq yırıları”, “Ay yarıq gecesinde”, Simferopol, 2004.
3. Şakir Selim “Toy “haltura” degil”, “Yañı dünya” No 45, noyabr 11, 2006 s.
4. Acı Meliha hanım “Toy olsun! Bayram olsun!”, “Yañı dünya” No 43, oktâbr 22, 2005 s.
5. Urhuş Ğafarov (Dereköy sakini) “Yalta rayonındaki Dereköy, Ay-Vasil ve Autka köylerinde nikâh ve toy merasimleri”, “Yañı dünya” No 50; 51 dekabr, 2006 s.
6. Tamila Abduveliyeva “Qırım seyaatları” programmasının stsenariyi.
7. İbrahim Paşı “Toylarını diskotekağa çevirmeyik”, “Yañı dünya” No 2, yanvar 13, 2007 s.
8. D. Osmanova “Baba-dedelerimiz toylarını küzde keçire turğanlar”, “Qırım” No 30, 20 aprel, 2005 s.
9. İsmail Asan-oğlu Kerim, “Qırımtatar edebiyatı”, Aqmescit, Qırımdevoquvpedneşir, 1995 s.
10. Ф.М.Алиев «Антология крымской народной музыки», Акъмесджит, 2001 s.
11. Veliulayeva A.V. “Tuvğan edebiyat”, Qırımoqupedneşir, Aqmescit, 2001 s.
12. Şamil Alâdin, “Saylama eserler”, Simferopol, Sputnik, 2004 s.
13. C.Bekirov, “Qırımtatar halq ağız yaratıcılığı”, Taşkent, “Ukituvçi”
14. Ya. Şerfedinov “Yañra qaytarma”, Taşkent, Ğafur Ğulam adına edebiyat ve sanat neşriyatı, 1990 s.
15. М.А. Хайрулдинов, С.М. Усеинов «Этикет крымских татар», Симферополь, Сонат, 2001.
16. С.М. Усеинов «Къырымтатарджа-русча лугъат», Симферополь, Оджакъ, 2005.
17. С.М. Усеинов «Русско-крымскотатарский, крымскотатарско-русский словарь», Симферополь, Тезис, 2007.